



Орган Лемковского Союза.

Выходит в каждый четверг.

Редакция и администрация в Крынице. — Адрес „Лемко” Крыница.

Всіх читателей, котры не вплатили ище пренумераты, просиме выровнати якнайскорше рахунки.

Также просиме присылати членскы вклады до Лемко-Союза.



Пренумерата в краю:

30 грошей місячно,  
80 „ квартално  
1.50 „ полрочно,  
3 зл. рочно.

В Америкі: 1 дол. рочно.

В Чехословакии:

2 кор. місячно, 10 кор. полрочно,  
20 кор. рочно.

Кonto чекове Нр. 404.155.

## Вздержати ся с вписами до Ревизийных Союзов кооператывов!

Редакция одержує часто запытаня от ріж-  
ных кооператывов на Лемковщині, до якого  
Ревизийного Союза маюť ся они вписати.

Не маючи часу на огвіты поодынокым  
кооператывам, редакция подає тым путьом  
всім до відома, што наразі належит вздер-  
жати ся с вписанем до якого нибудь реви-  
зийного союза и то аж до часу скликаня  
сїзда делегатів всіх лемковскых кооператыв-  
ов, котрый то сїзд отбуде ся в том часі,  
коли тота справа стане ся актуальна.

На том сїзді делегаты кооператывов рішат,  
до якого ревизийного союза маюť вписати ся  
всі лемковскы кооператывы. Принятє та-  
кого рішення и подпорядкованє ся тому рі-  
шенню єст доконче потребне для власного  
добра наших кооператывов, бо лем втотчас,  
коли выступиме, яко сорганизована и соли-  
дарна цілость, зможеме выторговати для  
себе певны концесии. Если зас каждый  
кооператыв вступит отдільно, на свою руку,  
до якогоysi ревизийного союза, не осягне  
там ниякых льгот, а ослабит фронт обций.

Тото повинни зрозуміти не лем наши  
кооператывы, але также и тоты, котры до

того часу належали до украинского реви-  
зийного Союза. До тых послідных коопера-  
тивов належали и належат наши рускы  
люды, они дали гроши на основанє тых  
кооператывов, они куповали и купуют там  
товары, адже они удержуют тоты коопера-  
тивы, а лем намовлены через священника,  
або учителя, вписали ся до украинского ре-  
визийного союза, не знаючи сами о том.  
Кооператывы тоты не уважаме за украинскы  
и не видиме причины и потреби, ани ціли  
в том, штобы нас того мало ділити.

Выходячи с такой точки зрїня наміряме  
запросити на тот сїзд делегатів всіх лем-  
ковскых кооператывов и рішенє того сїзда  
буде обовязовати всі кооператывы на Лем-  
ковщині.

Дотепер наши кооператывы належат до  
Ревизийного Союза Рускых Кооператывов  
во Львові и робит ся у властей стараня,  
штобы и в будучности остати при том Союзі,  
адже всякы новы потягненя наших коопера-  
тивов в том направленю сут передвчасны  
и можут оказати ся в послідствах шкод-  
ливы.

## В Африці заносит ся на войну.

В попередном числі писали мы о острых  
отношениях, якы повстали медже Абисыниом  
и Италиом, котра має там свои колонии.  
Было нами сказано, же помимо конференции  
и ухвал дыпломатичных в Лигі Народов,  
война абисынско- италиянска висит в воздуху.

В послідных днях не змінило ся нич на  
ліпше. Положенє стає ся штораз грознійше  
и всі предсказуют, же уж скоро буде война  
в Африці. Цисар Абисынии робит поважны  
приготовленя и приготавлият цілый край до  
кыравого боя с Италиом, котра єст опасна  
для независимости Абисынии и хоче Афри-  
ку поділити на колонии.

С другой стороны Муссолини высылат  
дальше войска до Африкы. Понадто пра-  
вительство италиянске, предвиджуючи даль-

ший ход событь, предприняло крокы в ціли  
евакуованя италиянскых граждан, жиющих  
в Абисынии. Маюť они вшиткы опустити  
Абисынию перед 15-тым липня т. р. Прави-  
тельство италиянске зарядило также выцо-  
фати с обїга всі серебряны монеты и засту-  
пити их паперовыма банкнотами. Бесідуют,  
же то єст громадженє фондів на кошты  
войны с Абисыниом. Вшитко тото промов-  
ят за тым, же в Африці в недалгом часі  
поліє ся кров.

## Япония машерує в глубину Кытая.

Положенє на Далеком Востоді не выяснат ся.  
Официально недорозуміня кытайско-японскы  
нибы уладжено, бо Кытайцы приняли до  
відома праві вшиткы требованя японскы,  
але в дійствительности заносит ся на дальши  
неожиданности.

Японцы помимо мнимой угоды, машеруют  
штораз дальше в глубину Кытая, а Кытайцы  
задержуют их слабо. Здає ся, же не за-  
долго цілый полночный Кытай стане ся  
провинциом, зависимом от Японии. Бесідую-  
т, же Япония стремит до того, штобы  
Манджурия получила ся тісно с полночным  
Кыт єм, бо втотчас японцы зможут завла-  
діти над миллионныма масани кытайцов.

Отряды кытайскы ставят вправді ту  
и там опор, але японцы не робят собі нич  
с того и машеруют дальше в глубину  
Кытая.

ПОМІЩАЙТЕ  
оголошеня  
В ГАЗЕТІ „ЛЕМКО”



## Килько Perezначено в том році на публичны работы инвестыційны:

На работы будовляны, дороговы, водны и рольны Perezначено в том році кромі сумы 150 миллионов, осягнутой с внутренней пожичкы инвестыційной также позиции в бюджеті администраційном державы, в плянах финансовых державных предприятий, фондов дороговых, реформ рольных, фонда труда и фонда будовы школ.

Квоты предвиджены на инвестыции в бюджеті администраційном выносят 40 миллионов 800 тысяч злотых. Предприятия державны и заведения предназначают на инвестыции 106 миллионов злотых. Монополь державный дае на тоту ціль 2 миллиона 500 тысяч злотых. Фонд труда, фонд будовы школ и инши дыспонуют сумом 107 миллионов злотых и кредиты будовляны Банка Краевого Господарства выносят 42 миллионы.

Разом адже фонды предвиджены в т. році на инвестыции и публичны работы при дорогах, будовах, регуляции рік и т. д. выносят понад 450 миллионов злотых.

Ест то сума барз велика и можна ся надіяти, же за такы гроши можна моц зробити и затруднити численны ряды, безработных.

## По страшном землетрасеню в Белюджистані.

Страшне землетрасенє, котре знищило місто Кветта в Индиях, о чом уж писали мы в Лемку, погребало под розвалинами домов понад 40 тысяч жителей.

Кветта лежит в английском Белюджистані, в горах, на высоті 1680 метров над уровнем моря и ест важным пунктом военным, бо пануе над дорогом, ведучом с над рікы Индус до Афганистана. С огляда на тоту значенє Кветты, англичане заняли в 1877 р. тоту втотчас дику осаду горску и удержуют в ней войскову залогу, зложену с 2-х батальонов пішого войска, батареи артиллерии, компании легких танков и двоих ескадр самолетов со штабом. Кветту получили они желізном дорогом долгом на 294 километры с долином Индуса.

Завдяки тому дика осада перемінилась в коротком часі в велике місто о 50 тысячах населеня.

В зимі сут там величезны морозы, в виду чого дома имеют грубы муровы каменны, што в значной мірі причинило ся до того, же таке велике число населеня пало жертвом землетрясения.

Серед забитых ест перешло 200 европейцев, што приписати треба тому, же на літо приїжджают там люды с инших міст Индий, особенно вышши урядники английскы, купцы и студенты, штобы в холодном климаті горском прожити горячи місяцы индийских низин.

Землетрясения отчувало ся в Кветті уж давнийше. В р. 1892 и в 1902 были там также землетрясения, але поза шкодами материальными, не потягнули за собом жертв в людях.

Тепер в том місті пануе страшна задуха от роскладаючих ся трупов. Ціле місто

выглядат, як страшне побоєвище, окружене кордоном войска, котре никого там не впускает.

## Дбайме о навозы.

Велике значенє в каждом господарстві имеют навозы. Количество доброго навоза можеме увеличити, закладаючи при господарствах так званный копец компостовый. Компост ест добрым навозом так в огороді, як и на поли и луках. Робит ся его с ріжных неужитков и отпадков. В каждом, хоцбы найменшом господарстві найде ся дост отпадков, котры звычайно ся вышмарят, а котры именно дают добрый материал на компост. Сут то ріжны буряны, отпадкы паши, сміє, попель с дерева, намул с придорожных ровов и ставов, трачовины, ріжного рода нежииучи уж шкодники, як хрущи и куклы ріжных оवादов, навоз спод кур и свиней и т. д. Вшитко то разом творит материал на компост.

Конец компостовый треба закладати на місци сухом и подвысшеном.

Яко подклад под конец дае ся около 20 см. грубу верству землі, або намула со ставов и ровов або землі с очищаных иполотых грядок. На тоту двойну верству землі мече ся всякы отпадкы, котры накрывае зас земльом, на ню дае знова отпадкы и так на перемену аж до высоты 1 до 1½ метра. Втотчас конец обкладае спорохнявилем земльом.

Для затінення такого копца компостового, обсаждае его буйно розвиваючими ся рослинами, як дыня и оставляе его в спокою. По якомси часі, як отпадкы уж перегниют, приступае до переробления компосту, котре полягат на перемішаню вшиткых верств. Таке перерабленє повтарае пару раз аж, покля не повстане одностайна маса.

Діланє навозове компоста ест барз добре, а притом повольне и именно тому можеме его приміняти в великих количествах без обавы, же грунт перенавозиме.

При уживаню на компост бурянов, треба бурян все зляти добре кыпачом водом, штобы отобрати насіню буряна силу килченя. Можна также силу килченя знищити негашеным вапном, котрым належит посыпати бурян. Додаток негашеного вапна до компоста ест в загалі пожаданий.

Компост надае ся под всі рослины а особенно под тоты окоповы, с котрых іме корень або подземельны гоны. На компості вырастают также барз добре огуркы и дыні. Можна ним заступити от части навоз стаенный.

## Условя продажи землі на колонии „Білый Орел” в Бразылии.

Многы наши молоды люды, котры не мають што робити у себе в дому, хотіли бы найти для себе якыйсь варстат труда и хотіли бы выхати за куском хліба, котрого у нас начинат бракувати.

Емиграция до Амерыкы, до Франции и до Німеччины ест тепер закрыта и люды начинают выїжджати до краев, в котрых условия климатычны сут для наших людей планши лем, бодай утечи от біды, котра штотаз нахальнійше заглядат до наших хыж.

Одним таким гереном ест колония полужена в Бразылии, в Полудневой Америкі, котру называли „Білый Орел”. Ест то край о климаті барз горячом и прото рідко населеном. Землі в том краю ест дост и земля тота ест дешева. Каждому колонисті продае колонизаційне Товариство 25 гектаров землі по ціні 40 зл. за гектар, если платит ся готовыми грошами або по 50 зл., если выплачат ся землю в ратах. Грунт адже 25-гектарный коштуе 1000 зл. грошами, або 1200 зл. на кредит. Кредыта уділяют на шесть літ.

Першу рату за грунт платит колониста аж в четвертом році побыта на колонии, коли ся уж загосподарит и має якыси доходы с господарства. При подписаню угоды на купно грунта, платит колониста задаток в высоті 500 зл. По приїзді на місце достае зараз грунт, котрый може собі vybrати с посеред вызначеных иа колонию теренов зараз также достае провизоричный титул власности и плян и опис грунта. По заплаченю цілой ціны купна за грунт колониста достае полны права власности.

Найблизший транспорт поселенцов выїде с Варшавы дня 17. червня т. р., слідующий в першой половині липня.

Вписы принимают и информации уділят Сындыкат Емиграційный в Варшаві (ул. Короля Альберта ч. 7) и его провинциональны отділення, а также Колонизаційне Товариство — Варшава ул. Коперница Ч. 30., котре закупило терены „Білый Орел”.

## Розвитє кооперации-то дорога до добробыта села.

В частых бесідах о борбі с кризом господарчом падают слова, же село ест назарадне.

Все чуе ся тоты самы слова, же біды мож ся позбыти лем втотчас, коли господарство рольне сильно ся сорганізуе и же ніт людей, котры бы розуміли, якы користи дае организация села.

В каждом чоловіку видит ся егоиста и недорайду, але мало кто бесідуе о том, чом маме таких людей и чом заинтересоване ся коперациом ест таке слабе.

Сут, правда, господавы, котры чуют потребу организации и трудят ся в них, але тых ест мало, а ту оден нич не зробит, ту потреба, штобы ціле село, штобы вшиткы взяли ся до работы.

Же однак ніт у нас того почутя потребности организации, винни не люды, але вину поносит ту школа, то значит тоты, котры выховали и учили тых людей и котры не приучили их от молодости лучити ся и организовати. Так было у нас, так было также у поляков, так было на цілом світі, же каждый дбал лем о себе, а не дбал о организацийну работу.

Але способы господарованя змінили ся не лем в краю, але на цілом світі приняли они иншу форму, адже и село мусит быти инакше, а буде таке, якым зробит его молодежи поколіне.

Штобы село змінило форму господарованя, потреба звернути увагу на кооперацийне выхованє молодежи, треба тоту молодеж заправяти до кооперации, треба будити у ней




любов до солидного труда и то так в господарстві, як и организации. Тога сторона єст великом болячком села и в том направлению треба начати роботу,

Рсботу таку треба начати в читальнях, котры мають служити до поглублення відомостей школьных и быти хлопскыма университетами. Сама читальня, коли не надаме ей направления, стремячого до вироблення серед нас сильной потребности организации экономической, не сполнит своей задачи и не даст тых користей, якы на ню накладывают статут. Лем организацийны дарованя, уміла продукция сїстных припасов и уміла продаж госполарских продуктов, а также уміле купно потребных до госполарства товаров—можут стати ся основанием до заинтересования ся госполарчом организациом села. Наши кооперативы найдут втотчас цілковиту признательность газды. Не буде втотчас ловления членог, як то має до тепер дост часто місце, бо газда охотно сам впише ся до кооператива.

Болячком села єст того, же не уміме сами взяти ся до діла, а не вміме прото, бо от наймолодших літ никто нас до того не втягнул и до того не призвычал. Тото тепер мстит ся нас, бо коли аж и найде ся даякый интеллигент, котрый хотіл бы селу помочи через заложенє склепу кооперативного, молочарні, касы и т. д., то нам ся здає, же то лем панскы, непотребны газді вымыслы.

А тимчасом показує ся штотраз нагляднійше, же тоты вымыслы сут именно не кому иншому, лем газді потребны и єму принесут користь, если лем будут ведены уцтиво и уміло.


Коли вшитко, што продукуєме на господарстві, як и товары, котры купуєме, будеме продавати и купувати без посередников, если тоты зыскы за посередничество останут у нас в наших кооперативах, втотчас наши доходы увеличат ся, счезне безротє и завитат до наших хат милых гость—добробыт.



### За податкы выставлено на лицытацию дочку хлопа.

В Румынии, в семигородском місточку Надасд инспектор податковий Мурсан спостерег при инспекции, же податковий ексектор засеквестровал у одного хлопа за незаплачены податкы єго 17-літну дочку и оголосил уж термин лицытации.

Инспектор уневажнил секвестр дівчины и выслал о том рапорт до министерства финансов.




### Папуга понесна смерть за зраду стану.

В Греции, в Афинах выдался цікавый случай. В одной реставрации сидят гости и нагло чувят голос: „Най жиє Венизелос! Смерть єго политичным противникам!“

Гости перестрашили ся не на жарты, а госполар аж остолбіл бо за такы окрики тепер по здавлению революции, выкликаної через Венизелоса, где остра кара. Але внет положенє выяснило ся. Показало ся, же тот окрик походил от папугы, котра была держана в клітці на салі, в котрой

давнійше сходилися сторонники Венизелоса и кажде засіданє кончили высше наведенным окриком. От них научила ся папуга тых слов и тепер их выкриковала.

Але птаха не минула кара. Госполар реставрации, боячи ся ответственности перед властями за такы противправительственны оклики—засудил папугу на кару смерти, котру зараз в кухні выполнено.



## Нова выборча ордынация.

Конституційна комиссия Сейма покончила уж обрады над проектами выборчей ордынации до Сейма и Сената. При обрадах розглядали лем проект зголошений Безпартийным Блоком, а не взято под увагу проекта внесеного партиом польских социалистов. При обрадах зголошено моц поправок, котрых велика часть была санациом отшмарена.

Дня 25 червня собрал ся Сейм в цілі окончательного ухваления выборчих ордынации.

### Бык пробил рогами купца.

Страшный случай мал місце на торговци в Варшаві. С ланцуха сорвал ся бык и прикусил рогами 53-літного купца, Аврама Залцмана. Роги перекололи єму брюх. Перевезено єго до шпиталя, где умер.

### Иродова різь отрочат в Афинах.

В Афинах в городском заведении для дітей перевел новый бурмистр Атен ревизию, при котрой вышли на яв страшны факты. Показало ся, што отданыма до того заведения дітми не занимал ся никто и діти умерали масово от нужды и голода. С 11.786 осталось при житю лем 583, а 9341 умерло.

В р. 1921. отдано до заведения 1300 дітей с котрых жиє лем одно. С отданных в р. 1922. 1170 дітей жиє двоє. Справом том заняла ся прокуратория.

Грецькы газеты называют того заведение шляктузом отрочат, а дыректора заведения другим Иродом.

### СЕМ ЛІТ МОКРЫХ.

Ученый амерыыканский, капитан Зее, астроном, предсказує, же перед нами єст 7. літ мокрых. Найблизши роки будут означати ся частыма опадами атмосферычныма, попереджаныма великыма бурями, выливами рік и т. д.

### Убийцы мин. Перацкого перед судом.

В варшавских правничих кругах курсуют несправджены вісти, же в серпні т. р. має начати ся перед варшавским окружным судом процес против кильком молодцам, оскарженным о участь в убийстві мин. Перацкого.

Як відомо, сам убийца потрафил утечи и жиє в Чехословакии. Судити мають лем тых, котры несли убийці помоч в приготовлению убийства и в утечі по убийстві.

### В ИТАЛИИ НЕ ПОЗВОЛЯЮТ УЖИВАТИ РОЛЬНЫ МАШИНЫ.

Италиянске правительство не позволило в том році уживати машины рольны при роботі в поли. Заказ тот выдано прото, штобы уменшити число безработных. В першой мірі дотычит тот заказ жнивярок, котрых не можна уживати до кошения и жатя.

Цілый тогорочный хліб мусит быти скошенный и выжатый ручно. Таксамо при молотылках и січкарях не можна примінати мехаичну силу, лем ручну. Ци не цофаме мы ся назад?

	ДЕРЖАВНЕ ЗАВЕДЕНЄ КУРАЦИЙНЕ В БЕСКИДІ ЗАПАДНОМ
	К Р И Н И Ц А — З Д Р О Й
	<p>Доїзд скорома поїздами через Тарнов — Новый Санч. Вагоны сыпальны.</p> <p>15 жерел щав желізисто-земельных, богатых в безводник угля. — Здрой Зубера найсильнійша щав алькалична Европы. — (Польске Виши) купелі минеральны: квасоуглевы и боровиновы. Купелі сонечны. Заведенє заосмотрене в найновійши приряды лічничи.</p> <p>Пияльня и лазенкы, оґріваны в зимі центрально. Дом здроеый: покои с теплом водом, реставрация—данцинг, читальня, радио. Театр в сезоні головном, кино, спорты літны и зимушны. Крыницкы воды лічат: хвороты сердца, жолудка, жолчи, печенкы, проводов мочовых, женочи, малокровиє, нервы; дійствуют добре на переміну материи и т. д.</p>



## Што чути в світі.

В Китаю грозит комунистичний переворот. Круги китаїські суг недовольні своїм прарительством, котре за слабо операт ся жаданям Японії. Комунистичні використали тото і начали агітацію, котра довела в мно- гих місцевостях до бунтов. В кругах полі- тичних боят ся революції. На порученє кантонського правительства страчено 35 ко- мунистов, в том числі кілька молодих жен.

В Єдесса коло Салоник шаліла страшна буря. В продовженю одной ночі пожеж повсталий от грома знищил около 400 до- мов. Перешло 3000 люда остало без даха над головою. Страты виносят кількадесят миллионов драхм.

В Пешеварі (Індії) повстал 21. т. м. ша- лений пожеж, котрий скоро обняв ціле місто. Власті приказали евакуувати доми окружаючи головний осередок огня і ви- садити динамітом в воздух, шобы таким способом локализувати пожеж.

Диктатор Греції, ген. Кондылис высказал высказался публично, же был бы рад, если бы голосованє людей освідчило ся за приверненє монархии в Греції, бо не ві- рит, жебы републиканський лад мог дати краєви нормальне житє політичне, скорше може тото зробити монархія. Круги репу- бликанські суг здивовані тым заявленєм, бо ген. Кондылис был уважаний за репу- бликанца.

Совіти закупили в Голандії, Англії, Бельгії і Германії 50 кораблей пасажир- ских і торговельних о загальної вмісти- мости 200 тисяч тон.

Німеччина буде укріплєня на границі німецько-польської, приміняючи найновіші способи маскування і техніки. Устроюють они підземельні аеродроми с гангарами і другі фортифікації. Приязнь своїм путем, а до війни не завадит приготівля- ти ся.

Югославія має достати от Франції по- жичку в висоті 300 миллионов франков. В той справі виїхал уж до Парыжа премєр Евтич, котрий має также оговорити діла относячи ся отношенє югославско-италиян- ских і югословско-совітських.

На японского министра войны Гаяши при- готовлено замах. Заговорщики хотіли его

убити в часі его поїздки до Манджурии. В звязи с тым арестовано 20 людей.

Троцький перед двома місяцями виїхал с окрестностей Парыжа і жил на Корсыці. Тепер виїхал с Корсыки і приїхал до Нор- вегії, где осіл в Осльо в санатории для сухотников. Норвегія згодила ся прийняти его под условєм, же не буде ся занимал політиком.

Англія згодила ся на увеличенє флоты німецькой, котра може быти розбудована до 35 процент тонажа флоты английской. Німці будут могли будувати новы кораблі і подводны лодки. Гитлер признал доми- нуюче положенє Англії на морі. Франція высказала ся остро против розбудовы флоты німецькой і прото Иден поїхал до Парыжа погласкати французів.

Франція і Естонія повідомили прави- тельство Сполученых Держав Полночной Амерыки, же не заплатят припадаючої до заплаты дня 15. червня раты. Тото само зробило ище давнійше правительство польске.

В Совітах ухвалено кару смерти за нищенє хліба. Шобы не допустити до нищеня засівов, совітске правительство заповіло, же за нищенє хліба через пущанє живини без пастухов на поля засіяны хлібом, буде при- міняти барз высокы кары, аж і кару смерти.

В Новоросійску убито одного с найдав- нійших членов партії комунистичной, Ан- типова, котрий был городським предводи- тельом совіта в Новоросійску. Виновников не поймано. Ест то нове убийство полі- тичне в Совітах.

В Ленинграді отбыла ся велика парада спортова, в котрой взяло участь 110 тисяч людей занимающих ся спортом. Дефіляда, котру отберал Ворошилов тревала 4. години.

## Вісти с краю.

Польске Радио росписало конкурс на зберанє народных пісень, танцов, тоастов і пісней церковных (коляд, великодних) і т. п. Кто хоче взяти участь в збераню тых мелодий народных, повинен зачуты пісні записати нотовым писмом, занотовати текст пісні с поданєм вымовы і поясненєм диалекта. При піснях треба подати місце- вость і назвиско того, кто грал або співал.

Приниманы будут лем пісні орыгинальны, нооголошенны дотепер друком. Польске Радио платит за каждую піснь 20 злотых.

Коло Рыманова шаліла нелавно страшна буря с градом величини курячого яйца. Буря знищила засівы в селах от Яслиск че- рез Дальову, Пулавы, Суровец аж до Бу- ковська. Град знищил цілковито дах над домом Адама Новотарского в Яслисках. Понадто в будынку тартака парового в Яс- лисках град выбил вшиткы шибы. Засіяны поля знищил град совсем, а што оцілило перед градом, злива зровнала с земльом. Страты величезны.

В Колюшках наїхал поїзд, ідучий с Вар- шавы до Катовиц на кілька стоячих ни ста- ции вагонів, в котрых сідили пасажирь, ідучи с Лодзи до Крыниці і Закопаного. Послідства были фатальны. Люды поу- падали с лавок і потолкли ся сильно. При- была лікарська помоч, котра заняла ся ра- неныма.

В Лодзи спалила ся фабрыка от перуна. Гром ударил в котловню, от чого спалила ся ціла фабрыка, котра затрудняла 520 ро- ботников, робячих на три зміны.

В Ровном убито православного свяще ника, Павла Петашкова. Убийство совершено в годинах поранних ище перед богослуже- нєм. Предполагают, же убийство має под- клад політичний, бо покойный был сто- ронником лояльного поведєня, за што сильно атаковали его украинцы.

Коло Люблина спалил ся с незнанных при- чин великий млын, в котрим стало двох сторожей. Сторожи спалили ся также. Жена одного с них,узнавши о трагичной смерти мужа, бановала страшно і хотіла шмарити ся до воды. Млын был власностью гр. Петра Скоморовского, котрий его выарен- довал купцам с Люблина, С. Веркманови і А. Бавмелови. Тоты приняли за сторожей Мошка Зильбермана і Мошка Боренштай- на, котры спалили ся разом с млыном.

В Щавниці шмарили ся два розбышаки с ножом на полициянта, котрий старал ся их успокоити, коли они авантюризовали ся по пьяному. Полициянт перемог их однак і отставил на постерунок фиякром. Коли полициянт сошел с повозкы, шобы отвори- ти канцелярию постерунка, розбышаки сопхали фурмана с козлов, затаили коня і збіжали. Были то Генрык Мастальський і Войтех Ковальчик.

